



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, MDCCXVIII**

Casus X. Quando Maritus, & uxor fundarunt Cappellaniam merè Laicalem,
& suos vocarunt Consanguineos, an gratificandi, & præferendi sint, qui
sunt ex linea Mariti, vel potius qui sunt ex linea uxoris, ...

[urn:nbn:de:hbz:466:1-72203](#)

nior, dummodo non ad sit lex fundationis præcipiens præsentari consanguineum. Ratio est, quia habens unam vocem privatam, & aliam accumulativam dicitur habere pinguiorem vocem, immo maiorem partem vocum; & ille, qui habet vocem tantum accumulativam, dicitur habere vocem debiliorem diminutam, & non integrum, ac proinde primus præsentatus meritò est ab Episcopo gratificandus, & huic præferendus. Abb. insuperdicto Can.X. num. 4. Rocch. de Curt. de jurepatr. verb. honorificum quæst. 14. n. 39. Lambertin. eodem tract. lib. 2. par. 2. q. 7. art. 13. num. 7. Tiraquel. de jure primogen. quæst. 17. opin. 11. num. 5. Vivian. de jurepatr. lib. 10. cap. 1. num. 25. Barbos. de offic. & potest. Episcopi allegat. 72. num. 166. par. 3.

ARGUMENTUM.

Quando Maritus, & Uxor fundarunt Cappellaniam merè Laicalem, & suos vocarunt consanguineos, an gratificandi, & præferendi sint, qui sunt ex linea Mariti, vel potius, qui sunt ex linea Uxor, & quid si ille, qui est de linea Mariti sit Laicus, ille vero, qui est de linea Vxor sit Clericus?

SUMMARIUM.

- 1 Gratificatio habet locum non solum in Beneficiis Ecclesiasticis, sed etiam in legatis piis.
 - 2 In consecutione subsidii dotalis relikti pro Puellis pauperibus, Puellæ nobiles pauperes an sint gratificanda, & præferenda Puellis pauperibus ignobilibus?
 - 3 Puella maritanda an, & quando sit gratificanda, & præferenda Puellæ jam monachæ in consecutione subsidii dotalis?
 - 4 Relicto legato subsidii dotalis pro certo genere personarum, illi de eo genere sunt gratificandi, & præferendi.
 - 5 In consecutione subsidii relikti pro sustentatione juvenis in aliquo Collegio, juvenis conterraneus, & consanguineus Testatoris est gratificandus.
 - 6 In consecutione fideicommissi Studentibus relikti, ad effectum ut Studens fiat Procurator, Doctor &c. Studens consanguineus Pars II.
- neus Testatoris proximior, licet non proximus ad Doctoratus gradum, est gratificandus.
- 7 In consecutione multiplici relikti favore pauperum descendientium ex aliqua familia certi loci, pauperes descendentes ex dicta familia, licet alibi habitantes, sunt promiscue gratificandi cum aliis pauperibus ejusdem familiæ habitantibus in dicto loco, & num. 11.
 - 8 Personæ qualificatae ad formam testamenti sunt admittenda ad participationem multipliciti.
 - 9 Judex, quæ considerare debet in taxandis subsiditis pro pauperibus.
 - 10 Pauperiores in distributione legati facti pauperibus, sunt præferendi minus pauperibus.
 - 12 Descendentia ex quibus probetur?
 - 13 Concurrentibus consanguineis Mariti, & Uxorū aequæ proximoribus ad Cappellaniam merè laicalem fundatam, aut ad dotem reliktam ab utroque conjuge pro eorum consanguineis, præferendus, & gratificandus est consanguineus Mariti, & num. 14. Et quare? num. 15. Intellige ut num. 17. Amplia ut num. 18.
 - 16 In consecutione Majoratus instituit per Maritum, & Uxorem præfertur consanguineus Mariti, & quare? Vide n. 20.
 - 19 Vocatis a Marito, & Uxore ad Cappellaniam merè Laicalem eorum consanguineis aequaliter, quilibet ex eis gratificari potest.
 - 20 Tam Clericus, quam Laicus, immo etiam fæmina, sunt capaces Cappellaniæ merè Laicales.
 - 22 In consecutione Cappellaniæ merè Laicalis per Maritum, & Uxorem aequaliter pro eorum Consanguineis fundatae, Consanguineus Uxorū Clericus ceteris paribus est gratificandus, & præferendus Consanguineo Laico Mariti. Et quare. Vide num. 25.
 - 23 Clericus est dignior, & major quibusvis Laicis.
 - 24 Quando sermo est de Clericis, & Laicis, Clerici semper ex stylo Curia preferuntur Laicis.

CASUS X.

Maritus, & Uxor simul in eodem testamento de bonis propriis utriusque fundarunt Cappellaniam merè Laicalem,

A a 2 seu

seu legatum merè pium Missarum pro eorum Consanguineis proximioribus; Vacata nunc præfata Cappellania, & concurrentibus ad illam duobus Consanguineis æquè proximioribus, uno ex parte Mariti, & altero ex parte Uxorius. Quæritur quis eorum sit gratificandus, & præferendus?

1. Gratificatio, & prælatio competens Episcopo vigore supradictorum Canonum in paritate vocum non solum est per eum exercibilis in Beneficiis Ecclesiasticis, verum etiam in legatis merè piis, & in Cappellaniis merè Laicalibus, eisdem tamen attentis, & æquilibratis qualitatibus concurrentium ad eadem legata, quæ attendi, & æquilibrari debent in gratificatione, & prælatione respectu Beneficiorum Ecclesiasticorum, Rota decis. 611. sub num. 4. coram Seraphin., & in Novarien. Parochialis 11. Aprilis 1712. §. Cumulabatur, coram R.P.D. Ansaldo.

2. Sic in assecutione subsidii dotalis reliæ à Testatore pro Puellis pauperibus, si concurrent ad illud Puellæ nobiles, & ignobiles æquè pauperes, Episcopus gratificare, & præferre debet Puellas nobiles, ignobilibus, maximè si in testamento fuerint priùs nominatæ Puellæ pauperes nobiles, quam ignobiles; nam Puellæ nobiles primò nominatæ censemur magis prædilectaæ à Testatore, *Lara de Annivers. & Cappell. lib. 2. cap. 3. num. 48.*, & resolutum fuit à Sacra Congregatione Concilii in Amerina subsidiorum dotalium 5. Julii 1710. ubi concurrentibus Puellis pauperibus nobilibus, & ignobilibus ad legatum subsidii dotalis à quadam Testatrice reliatum favore Puellæ Civitatis Ameriæ Monasticum institutum profiteri volentes, sub hac præscripta lege—Ritrovando alcuna Zitella Nobile, ma povera, o alcuna di bassa mano, ma però onorate, che si voglino far Monache, detta Compagnia Pelegga per voti segreti, e le dia la dote dellifrutti di detti Cense— fuit disputatum dubium—An in concurso Puellarum Nobilium sint simul admittendæ etiam Puellæ ignobiles concurrentes, ita ut quæ ex illis majorem suffragiorum numerum tulerit, sit eligenda, vel potius ignobiles admittendæ, & eligendæ sint in defectum tantum Nobilium— responsum fuit negative quoad priam, & affirmativè quoad secundam partem.

3. In assecutione subsidii dotalis reliæ pro Puellis cum prælatione inter Puellas monacandas, & maritandas. Puella maritanda est gratificanda, & præferenda. Puellæ jam monachatae, juxta resolutionem Sacrae Congregationis Concilii in Sancti Severini subsidii dotalis 5. Septembris 1711.

4. In assecutione subsidii dotalis reliæ pro certo genere personarum, ex.gr. pro filiis, sororibus, aut nepotibus confratrum alicujus Confraternitatis, istæ gratificandæ, & præferendæ sunt in concurso Puellarum etiam consanguinearum Testatoris, quæ non sint nec filiæ, nec sorores, nec nepotes Confratrum, ut resolutum fuit ab eadem Sacra Congregatione Concilii in Romana subsidiorum dotalium 9. Junii 1714.

5. Et in assecutione subsidii reliæ à Testatore pro sustentatione juvenis in aliquo Collegio, juvenis conterraneus, & consanguineus Testatoris est gratificandus, & præferendus alteri juveni simpli cetero oriundo loci ejusdem Testatoris, licet idiori, Rota in Sabinen. electionis iuvenis 9. Martii 1714. per tot. cor. R.P.D. Crispo.

6. Ac in consecutione fideicommissi à Testatore Studentibus reliæ ad effectum, ut Studens fiat Procurator, Doctor in jure, aut Notarius, aut Curialis, Studens consanguineus Testatoris proximior, licet non proximus ad Doctoratus gradum, vel Curialis, seu Notarii officium, sed habilis tamen, est gratificandus, & præferendus Studenti consanguineo remotiori ejusdem Testatoris, licet proximo ad prædictum gradum, & officium, Rota in Bononien. immisionis 20. Martii 1709. per tot. coram R.P.D. Crispo.

7. Et in consecutione multiplici reliæ à Testatore favore Pauperum descendantium ex aliqua familia certi loci; Pauperes descendentes ex dicta familia dicti loci, licet alibi, & non ibi habitantes, sunt promiscue gratificandi cum aliis Pauperibus pariter descendantibus ex eadem familia, sed habitantibus in dicto loco, ut sentiebam in Romana, seu Januen. legati, studens apud R. P. D. Ansiedæum dignissimum Sacrae Congregationis Concilii Secretarium, ubi Maria, & Paulina Justinianæ natæ quidem in Insula Chios,

Chios, sed filia Simonis Petri Justiniani Albo Nobilium Januæ adscripti de anno 1696. ab Insula Chios, novissimè à Civitate Mothonensi extorres, & profugæ à Turcarum immanitate, patria, laribus, fortunisque omnibus deploratis, suppli- carunt pro menstruo subsidio scutorum 20. pro qualibet ex fructibus notissimi Urbi, ejusque Tribunalibus multiplici à Marchione Vincentio Justiniano in testa- mēto anni 1631. instituti pro Pauperi- bus descendantibus ex Nobili Familia Justiniana Januæ. Contemporaneè etiam easdem effuderunt preces Apollonia quondam Pauli, & Palma quondam Thomæ Pauperes, & Nobiles Justinianæ pa- riter Chienes descendentes ex Proavo in libro Nobilium Januæ adscripto, pro consimili alimentorum subministratiōne in scutis 20. menstruis ex p̄fato multi- plico. Ego autem meum aperiens votum dicebam esse faciendam Mariae, & Paulinae Justinianis Chienibus subministratiōnem ex multiplico Marchionis Vincentii Justiniani in menstruis scutis decem pro qualibet.

Animadvertebam enim concurre- tam in Maria, quām in Paulina Oratrici- bus qualitates à Marchione Vincentio Justiniano Testatore requisitās ad effe- cūm participandi de fructibus multipli- ci ab eo demandati, nimirū pauper- tas, & descendantia ex familia Justiniana Januæ, dum sunt filia Simonis Petri Ju- stiniani Albo Nobilium Januæ descripti, quæ descriptio demonstrat ipsum Simo- nem Petrum, & ejus descendentes esse de illis Nobilis Familia Justiniana Ja- nuæ, alijs dictus Simon non fuisset de- scriptus, nisi prius fuisset concludenter probatum eum esse de vera, & Nobili- 8 Familia Justinianorum Januæ, Rota de- cis. 79. sub num. 18. penes Palm. tom. 2., ac proinde dictæ Oratrices utpote qualifi- catæ ad formam testamenti, admittendæ sunt ad participationem p̄fati multi- plico, Card. de Luca de jurepatr. disc. 18. num. 3.

Non obstat, quod Oratrices non sint adscriptæ in libro Aureo, sufficit enim, quod earum Pater sit adscriptus, seu quod descendant ab ultimo adscripto, ut patet exemplis Indultorum Clementis X., & Innocentii XII., qui admiserunt

Antonium, & Vice-Comitem Justinia- num ad participationem p̄dicti multi- plici, quamvis neque ipsi, neque eorum propinquiores ascendentēs essent in libro Aureo Nobilium adscripti, & exemplo Hippolytæ Justinianæ ab hac eadem Sa- era Congregatione ad dictam participa- tionem admissæ, licet in libro Aureo non descriptæ.

Nec adversatur, quod Oratrices sint Chienes, & non Januenses; Quia Lega- tum relaxato juris rigore ex p̄sumpta mente Testatoris non solū comprehen- dit Justinianos Januæ degentes, sed om- nes à Familia Justiniana Januæ descen- dentes, & fuit judicatum a Sac. Rota de- cis. 778., 805., & 897. coram Emerix, decernente Marchionissæ Constantiæ Ju- stinianæ Messanensi menstrua scuta 35., & novissimè in Romana, seu Januen. Legati 22. Novembribus 1715. coram R. P. D. Crispo, vbi decretum fuit esse submini- stranda menstrua scuta decem Paulo Ju- stiniano Chieni, ac ut etiam judicatum fuit ab hac Sacra Congregatione 29. No- vembribus 1704. demandante subministra- tionem scutorum decem favore Hippolytæ, Vincentii, & Laurentii de Justinianis Chienis, & patet exemplis Indul- torum Clementis X. Antonio Justiniano Chieni, Innocentii XI. Jacobo Messi- nae, & Mariae de Pactis concedentium unicuique menstrua scuta 20., & Innocen- tii XII. Vice-Comiti Justiniano Chieni annua scuta 200.; Ratio est, quia Testa- tor loquendo de Justinianis Januæ intel- lexit de habentibus originariam, & Ma- joriū Nobilitatem in dicta Civitate, me- diante supradicta descriptione in libro Aureo, quæ per familiam numquam amittitur, et iam si descendantes, & particu- lares personæ dictæ familie alibi habi- tent, Card. de Luc. de praemin. disc. 37. num. 4. & seq., non verò restrictivè de il- lis ibi ortis.

Subministratiōnem autem ex dicto mul- tiplico dicebam Oratricibus esse facien- dam in menstruis scutis decem pro qualibet, cùm non minor quantitas pro alen- da fœmina Nobili, & egena exigi videa- tur, attenta earum qualitate, dum sunt Nobiles de Familia Justiniana Januæ de- scendentēs, ad extremam paupertatem redactæ, & nihil habentes, & possiden- tes,

tes, ac etiam attenta quantitate legati distribuenda Pauperibus de familia, quæ nunc ex Calculo, qui exhibetur, ascendere videtur ad annua scuta quinque milia, & ex die recipit majus incrementum.
 9 ex alia rata ejusdem Legati singulis annis in perpetuum investienda; quæ omnia prudens Judex considerari debet in taxandis similibus subsidiis pro Pauperibus relictis; Rota decis. 805. num. 2. coram Emerix, & in dicta Romana, seu Januen. Legati 22. Novembris 1715. §. final. coram R. P. D. Crispo, ac etiam attento, quod ab hac Sacra Congregatione in simili summa fuit demandata subministratio Hippolytæ Vincentio, & Laurentio Justinianis Chienibus.

Nec ullum præjudicium considerabile afferretur Nobilibus de Familia Justiniana Januæ morante per hujusmodi subministracionem; quia isti utpote habentes sufficiens Patrimonium, & non ita miserabiles in concursu Pauperiorum de Familia Justiniana non habent jus, dum Pauperiores de hac Familia in consecutione præfati Legati sunt minus Pauperibus præferendi; Tum ex præsumpta mente Testatoris, qui suam dispositionem ita conclusit -- secundo la varietà de' tempi, e la necessità delle varie occasioni si potranno governare, e risolvere in sovvenire alle persone più bisognose della Famiglia, ed altro, che lì parerà a proposito -- Ut appare ex folio clare, & eruditè ab eodem R.P.D. Ansidæo Secretario extenso; Tum ex dispositione juris, juxta quam Pauperiores 10 in distributione Legati facti Pauperibus sunt præferendi minus Pauperibus, quia ubi majus est periculum, ibi potius est succurrendum, Ventril. in prax. par. 2. annot. 28. §. 1. num. 18. Amostaz. de caus. piis lib. 4. cap. 4. num. 17. Præsertim quando legatum, aut beneficium fuerit reservatum a Testatore pro Pauperioribus juxta Rot. in Faventina beneficii 11. Februario 1704. §. Cū enim cum seqq. coram Muto, ac juxta resolutionem Sac. Congregationis Concilii in Imolen. Legati Pitt 27. Novembris 1717., ubi cū quidam pius Testator S. Montem Pietatis Oppidi Lugi instituisse hæredem gravans ipsum, seu Præsidentes pro tempore ad dandum singula hebdomada, & expendendum in tantum companaticum pro alimentis Paupe-

riorum RR. Fratrum Religiosorum Claustralium Terræ Lugi amore Dei in perpetuum solidos viginti; hujusmodi Legatum Præsidentes dicti Montis ab initio usque in præsentem diem elargiri PP. Carmelitis consueverunt, quamvis in dicto Oppido Conventus adessent PP. Prædicatorum, Minorum Conventualium, & Cappuccinorum; Dubitantibus autem iisdem Præsidentibus, an potius tradere tenerentur eleemosynam PP. Cappuccinis utpote pauperioribus disputatum fuit. An Legatum de quo agitur debeatur PP. Carmelitis, seu potius Præsidentes Montis Pietatis possint illud distribuere PP. Cappuccinis, vel aliis Regularibus ad eorum libitum in casu &c. -- Cui Sac. Congregatio rescripsit -- Negativè quoad primam partem, & affirmativè quoad secundam ad formam Testamenti -- Non obstante, quod PP. Carmelitæ centenariam observantiam, & præscriptionem pro se allegarent.

11 Eamdem subministracionem in mensbris scutis decem pro qualibet dicebam etiam esse faciendam Apolloniæ, & Palmae Justinianæ; sunt enim ipsæ qualificata eisdem qualitatibus requisitis à Testatore ad effectum participandi de fructibus multiplici, quibus qualificatae sunt Maria, & Paulina Justinianæ, quæ superiùs pro consimili subministracione supplicarunt, adeoque etiam ipsæ admittendæ sunt ad eamdem participationem, sunt enim eadem Paupertate pressæ, ac sunt descendentes ex Familia Justiniana Januæ, dum probant hanc descendantiam ex Proavo in Libro Nobilium adscripto, fidibus Matrimoniorum, & Baptismatum, & cùm sint deperditæ Libri Parochiales in ultima Insulæ Chios à Turcis invasione, testimonio proprii Parochi Mothonensis, aliorumque Testium se filias respectively Pauli, & Thomæ demonstrant, qui sunt veri modi ad probandam omni majori concludentia descendantiam ex latè traditis per Jason. cons. 124. num. 5. lib. 1. Rota decis. 709. num. 3., & seqq. coram Buratt., & decis. 588. num. 3. coram Pamphil., & decis. 347. num. 2., & seq. coram Cels., & in Romana, seu Parmen. jurispatronatus 9. Junii 1700. §. Lucidissimè coram Reverendissimo Molines Decano. Nullatenus obstante, quod nec ipsæ, nec eorum Genitores sint adscripti in libro Auro;

reco;

reō; Sufficit enim, quod descendant ab ultimo adscripto; ut patet exemplis Indulorum Summorum Pontificum superiorū enumeratis. Quod autem praefatae Oratrices non sint Januenses, seu Januae degentes, sed Chienses, jam superiorū responsū sicut hoc non officere. Et ita resolutum fuit à Sac. Congregatione Concilii 13. Martii 1717.

13 His exemplis constito gratificationem locum habere non solum in Beneficiis Ecclesiasticis, verum etiam in legatis merē piis, descendendo nunc ad examen, proposita questionis videtur dicendum, quod concurrentibus consanguineis Mariti, & Uxorū aquæ proximioribus ad Cappellaniā merē Laicalem fundatam ab utroque conjugē ceteris paribus sit præferendus, & gratificandus potius consanguineus Mariti, quam Uxorū; Sicuti enim ordo naturalis est, ut Maritus, & Vir tamquam caput præferatur Uxori, ad Text. in Canon. est ordo, & Canon. cū caput 13. quæst. 5.. Ita ordo naturalis erit ut in consecutione indivisibilis Cappellaniā fundatæ ex Bonis Mariti, & Uxorū favore eorum consanguineorum in paritate gradus potius præferatur consanguineus Mariti, quam Uxorū, Fælin. in cap. Quoniam de Testib. n.5. Castill. controvers. jur. 67. num. 28., & seq. tom. 5. Cevall. commun. contra commun. quæst. 265. nu. 18. Rot. decis. 275. n. 3. coram Mantica ibi -- Accedit etiam, quod ipse Ludovicus descendit ex linea masculina Fundatoris, Joannes autem descendit ex linea feminina, & ideo data in ceteris paritate is debet præferri, qui per virilem sexum descendit.

14 Sic si Maritus, & Uxor simul disposuerint præstari certam dotem singulis annis suis consanguineis proximioribus, concurrentibus consanguinea ex parte Mariti, & altera ex parte Uxorū, utraque in eodem gradu consanguinitatis, in consecutione dictæ dotis præfertur consanguinea Mariti Castill. controvers. jur. 67. nu. 28. §. Nam rationi in fin. tom. 5. Ita etiam fundata Cappellaniā per Maritum, & Uxorem, & ad eam vocatis consanguineis utriusque, si concurrant consanguineus de linea Mariti, & consanguineus de linea Uxorū in paritate gradus, & ceteris paribus, præferendus est consanguineus de linea Mariti.

15 Ratio autem hujus desumi videtur ex præsumpta affectione utriusque conjugis potius erga consanguineos Mariti, quam consanguineos Uxorū, præsumuntur enim Maritus, & Uxor potius diligere propriam agnationem, quam cognationem, adeoque in relecto Cappellaniā merē Laicale pro eorum consanguineis potius respexit se ad consanguineos descendants ex linea Mariti, in quibus conservatur splendor, & honor agnationis, quam ad consanguineos descendants ex linea Uxorū;

16 nam familiam Viri sui Uxor conservare velle præsumitur; ut pater exemplo Majoratus instituti per Maritum, & Uxorem, in quo consanguineus Mariti præfertur consanguineo Uxorū, juxta sententiam Gregorii Lopez relat. per Garz. de Benef. par. 7. cap. 15. nu. 22... & per Castill. controvers. jur. cap. 57. nu. 28. tom. 5. Roras de incompatibilitat. Regnor. in addit. ad cap. 8. part. 8. cap. 3. n. 13. tom. 2.

17 At in hac questione procedendum est cum distinctione; Aut enim Maritus, & Uxor fundarunt Cappellaniā merē Laicalem, & ad eam vocarunt consanguineos Viri, & Uxorū, tunc ceteris paribus præferendus est consanguineus Viri consanguineo Uxorū, quia cum in hoc casu consanguineus Viri sit ordine scripturæ prius nominatus, censetur etiam magis prædilectus, & præferendus est; Ordo enim literæ dat prælationem. Roxas de incompatibilit. in addit. ad par. 8. cap. 3. num. 10. tom. 2. Amofaz. de caus. piis lib. 3. cap. 8. num. 20. Capon. discept. 101. num. 4. & 7. tom. 2. Barbos. in cap. Sedes num. 10. de rescript. Sicuti etiam esset præferendus consanguineus Mariti, si ab utroque Conjugē essent vocati ad præfatam Cappellaniā consanguinei Viri, sive Uxorū; quia cum inter consanguineos Viri, & Uxorū cadat ordo charitatis, & affectionis, cum Vir, & Uxor præsumuntur diligere magis agnationem, quam cognationem; hæc disjunctiva sive denotat ordinem, & ultima pars censetur posita in defectum prioris, nimurum consanguinei Uxorū censetur contemplati in defectum consanguineorum Mariti, per Text. singularem, in l. cum pater §. à te peto ff. de legat. 2. ibi: A te peto Marite, si quos liberos habueris illis prædia relinquas, vel si non habueris tuis, sive meis propinquis, aut etiam nostris libe-

- liberis non esse datam electionem, sed ordine scripture factam substitutionem respondi -- Cephal. conf. 53. num. 69. lib. 1. Menoch. conf. 187. num. 20. tom. 2. Cancer. var. resol. par. 1. cap. 1. de subfbit. num. 113. Et in his terminis procedunt auctoritates superius relatae. His exemplis.*
- 18** Maximè si de tempore hujus dispositionis non adessent nisi consanguinei Mariti, aut si ipsimet Conjuges in cursu consanguinei Uxoris gratificassent, & prætulissent consanguineum Mariti, ei conferendo præfatam Cappellaniam. Ex his enim circumstantiis clare desumetur voluntas eorumdem Conjugum esse præferre consanguineum Mariti consanguineo Uxoris. *Fusar. de subfbit. q. 321. num. 5. & q. 324. num. 6. Ciarlin. controv. jur. 26. num. 21. lib. 2. Rota in Gerunden. Beneficii de Olor 7. Maij 1703. §. His omnibus coram Eminentiss. Priolo, & in similibus terminis firmavi superius Can. I. & II. Cas. XIV. num. 9. & 15.*
- 19** Aut fundarunt Cappellaniam merè Laicalem de bonis propriis pro consanguineis utriusque, & non ad sit ulla conjectura voluntatis Fundatoris potius preferendi consanguineos Mariti, & tunc Ordinarius, aut alias habens conferre dictam Cappellaniam est in libertate ceteris paribus gratificandi quem vult ex consanguineis utriusque Conjugis; nam cum æqualiter consanguineos vocent, isti æquali affectione, & voto vocati censemur. *Lambertin. de jure pat. lib. 2. par. 3. q. 5. art. 1. num. 4. Lara de Annivers. lib. 2. cap. 2. num. 34. Amostaz. de caus. piis lib. 3. cap. 8. num. 24. Garz. de Benefic. par. 7. cap. 15. n. 21. in fine.*
- 20** Nec obstat exemplum Majoratus à Marito, & Uxore instituti; Disparitas namque est, quia in Majoratibus intenditur conservatio familiæ, & in Cappellaniis merè Laicalibus non intenditur hujusmodi conservatio, sed solùm adimplémentum oneris eisdem annexi, & ideo quando in Majoratibus fundatis à Marito, & Uxore æqualiter pro eorum consanguineis, concurrunt duo consanguinei in eodem gradu proximiores, unus ex parte Viri, & alter ex parte Uxoris, potius præferendus est consanguineus ex parte Viri tamquam potior ad conservandam familiam, quam consanguineus
- Uxorius; Non verò quando in Cappellaniis merè Laicalibus fundatis ab utroque Conjugi æqualiter pro utriusque consanguineis, concurrunt consanguinei Mariti, & Uxorius in eodem gradu proximiores, tunc enim unusquisque eorum gratificari potest. *Lara de Annivers. lib. 2. cap. 2. num. 34. Amostaz. de caus. piis lib. 3. cap. 8. n. 25. & seq. Garz. de Benefic. par. 7. cap. 15. num. 21.*
- Quid autem si vocatis æqualiter consanguineis utriusque Conjugis, consanguineus Uxorius sit Clericus, consanguineus verò Mariti sit Laicus, quis eorum est præferendus?
- 21** Dicendum videtur, quod etiam in hoc casu si in libertate habentis conferre Cappellaniam, præfatam præferre, & gratificare quemcumque ex illis, dum non solùm Clericus, sed etiam Laicus, immo fœmina est capax obtinendi Cappellaniam merè Laicalem. *Gonzal. ad regul. 8. Cancell. gloss. 5. num. 26. Amostaz. de caus. piis lib. 3. cap. 2. num. 43. & dixi superius Can. IV. V. VI. VII. & VIII. Cas. III. n. 6.*
- 22** Sed hoc non obstante censeo in hoc casu esse præferendum, & gratificandum potius consanguineum Clericum Uxorius, quam consanguineum Laicum Mari-
- 23** ti; Clericus namque est dignior, & major quibusvis Laicis, *juxta gloss. in cap. Sedes de rescript. verb. Majores ibi -- Videtur ergo, quod per generalem clausulam non possit conveniri Sacerdos, vel Clericus, cum ipse sit major quolibet Laico -- Bellett. disquisit. Clerical. par. 1. §. 1. nu. 4. cum Clericatus sit dignitas, & major alio facultati honore, quæ nobilitat subjectum, cui confertur Text. in cap. solite de major. & obed. Bald. conf. 180. num. 3. in fine ibi -- Certum est Clericum, alias Clericatum esse majorem alio seculari honore -- Tiraquell. de Nobilit. cap. 9. num. 4. Adeoque ceteris paribus Clericus in consecutione Cappellaniae merè Laicalis utpote dignior, & major est præferendus Laico, juxta auctoritates superius relatas Cas. VII. num. 1.*
- 24** Sic quando sermo est de Clericis, & Laicis, Clerici semper ex Sacris Canonibus, & ex stylo Curiae præferuntur Laicis, ut patet in cap. significavit de rescript. in cap. qualiter de elect., & in cap. Joannes de testamento, ibique testantur

Fa-

Fagnan.num.2. Ergo etiam, quando Clericus, & Laicus simul concurrunt ad aliquam Cappellaniam merè Laicalem, aut legatum pium, semper Clericus cæteris paribus utpote dignior, & major Laico est ei præferendus, *Grass. de effect. Cleric. in prælud. num. 383.* ibi -- Et ideo Clerici dicuntur majores Laicos, & illis ubique præferri debent.

25 Verum est, quod tam Clericus, quam Laicus sit capax Cappellaniæ merè Laicalis, sed tamen cæteris paribus in consecutione ejusdem Cappellaniæ est præferendus Clericus, ea ratione, quia licet Cappellania sit merè Laicalis, tamen habet aliquid Ecclesiasticitatis, & est materia Ecclesiastica, ratione cuius potius competere debet Clerico, quam Laico, *Abb. in cap. Joannes de testam. num. 7., Rot. in Monasterien. Vicariæ 12. Martii 1706.* §. Eo autem coram R.P.D. Omanna.

ARGUMENTUM.

Gratificatio, aut derogatio pro medietate an habeat locum in Jurepatronus spectante ad Universitatem?

SUMMARIUM.

- 1 Gratificatio in paritate vocum competit non solum Ordinariis, sed etiam Summo Pontifici: Et quomodo iste eam exerceat? Vide ibi, & num. 24. & 25.
- 2 Derogatio medietatis vocum resolvitur in simplicem gratificationem.
- 3 Inter plures gratificatos à Papa scilicet, & ab Ordinario, si legitimè non constet de prioritate gratificationis, in dubio preferetur gratificatus à Papa, & num. 26. Fortius si constet de paritate gratificationis Papæ, & num. 4. & 9. & 27.
- 5 Scissa Universitate Patrona tam in primo, quam in secundo scrutinio in duas partes æquales, an Papa possit gratificare quem vult, & num. 10.
- 6 In jurepatronatus spectante ad Universitatem, seu ad plures uti universos, at etiam ad unicum Patronum, locum non habet gratificatio, seu derogatio pro medietate, & num. 12. Et quare? Vide num. 7.
- 8 Major, & senior pars Eligentium coalescit non solum ex numero, sed etiam ex meritis Electorum, & dignitate Eligentium.

Pars II.

- 10 Gloss. in cap. Ecclesia vestra il secondo de elect. an locum habeat in nominibus, & præsentationibus?
- 11 Communitas Patrona durante termino potest devenire non solum ad unum, sed ad plura scrutinia.
- 13 Enumerantur requisita necessaria ad validitatem gratia derogationis pro medietate, & num. 15. 16. 17. & 18.
- 14 Gratia derogatoria pro medietate est subreptitia, etiam si impetrans per ignorantiam, & simplicitatem non expressa est. Summo Pontifici existentiam alterius Compræsentati, & illius qualitates.
- 19 Gratia derogatoria pro medietate juxta præsum Cancellariae, & Datariæ sustinetur, etiam si de tempore gratia non adstet revera præsentatio, dummodo sequatur intrà terminum juris. Et quare? Vide ibi, & num. 42.
- 20 Consensus Episcopi, aut Capituli non retrotrahitur ad diem gratia facta à Papa de Beneficio sub conditione ejusdem consensus, si medio tempore alius obtineat gratiam absolutam ejusdem Beneficii.
- 21 Præsentatio intermedia facta ab altera medietate Patronorum favore alterius impedire non potest retrotractionem præsentationis facta à medietate Patronorum favore impetrantis ad diem gratia derogatoria. Et quare? Vide ibi.
- 22 Amplia, etiam si præsentatio intermedia est de persona conanguinea Fundatoris, aut Patroni, vel de persona idoniori. Intellige ut ibi.
- 23 Gratia derogatoria pro medietate non est conditionalis, sed absolute, & perfecta.
- 28 Gratificatio facta ab Ordinario est suspecta de antidata, & ad hoc ut dicatur anterior respectu gratificationis facta à Papa, quomodo constare debeat?
- 29 Suspicio antidata in gratificatione facta ab Ordinario, ex quibus resultare dicatur? & num. 30. 31. & 32.
- 33 Sacerdos in paritate vocum est præferendus simplici Clerico.
- 34 Approbat ad confessiones audiendas, & qui alias exercuit Curam Animarum in paritate vocum est gratificandus in consecutione Parochialis.
- 35 Literæ Apostolice in omnibus justificatae sunt exequenda.
- 36 In jurepatronatus hereditario præsentatio fieri debet in stirpes, & non in capita.

B b fuf-